

DEO OPTIMO MAX.

UNI ET TRINO,

VIRGINI DEI - PARÆ, ET S. LUCÆ
Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS
manè discutienda, in Scholis Medicorum, die Mercurii vigesimo-
quinto mensis Martii, anno Domini M. DCC. L.

M. LUDOVICO-PETRO LE HOC;
Doctore Medico, Præside.

Utrum cautiissimi debeant esse Medicus, Chirurgus, præsertim in Cancro curando.

I.



CANCER Καρκίνος, Καρκίνωμα, morborum funestissimus, cujus origo, causæ, scrutatores vel acutissimos latent, terrâ facie donatur, horrendis stipatur symptomatibus, hunc remediis blandiri vix licet & cum pessimis ægri rebus ferè semper terminatur; paucioribus verbis circumscribi nequit. Acuto sensu donatas partes affligere amat; caput, mammas, genitalia, digitorum extrema; articulos, adoriri fere perpetuum est; alibi cum observatur, sæpius degener, minus periculi infert; interiora rarius depascitur, ea saltem loca quæ aër non alluit & si in intimis corporis partibus Cancer aliquando observatus fuit, membranaceas, nerveas, quales sunt mesenterium, vesica, &c. afficit, vel illas quæ lymphæ dicantur, sic Pancreas; in Renibus vix unquam repertus, hinc non absolum erit concludere, Cancrum è systemate nervo & lymphatico, originem suam ducere. Mammas frequentissimè devastatur; illæ sexui utrique concessæ, vix quidquam in masculis præstant, si Depilos & vere fœminæ exciperis, quos ut lacte, sic & Cancris aliquando donari observatum est. Mulieres viro maturæ his præsertim dotantur. Frequentioris Cancris in mammis causa, ex illarum situ, structurâ & usu erui debet. 1°. Quidquid ab extra mâli provenire potest, huic subjacent, aliundè vasorum majorum & viscerum vapore & calore destituta. 2°. Vasa omnis generis, illarum structuram ingrediuntur, lymphatica, Galactophora vasis sanguiferis contigua, lac fecernunt, folliculosè dilatata asservant, intra papillam artius plicata & contracta, ab exitu prohibent, per areolam hiantia, ad usum infantis lac fundunt. Si glandulas aliquot, plerumque subcutaneas, cellularem, nervosum, spongiosum, contextum haud ab similem penis aut clitoridis texturæ, addideris, interiorum mammarum substantiam habebis; huic multiplices arteriæ subjacent, hanc plurimæ venæ ambiunt, pauciores verò interius gerit. Commercium facile, vasorum inter se, valvulas abesse probat. Mammas exquisito sensu donari, quis negat; illarum cum utero sympathia, Hippocrati jamjam perfecta erat, talis est, tam accuratè reciproca, ut huic explicandæ, anastomosis decantata, vasorum nempe mammariarum cum epygastricis, nervorum mammariorum cum uterinis per sympathicum majus, impar sit. Observatum est Mulieres, quibus lac semper defecerat, virgines, quin & viros, lac diu & ardentè optatum tandem obtinuisse, juvenibus ut credere est, suctione & attritione, egregiis ad id stimulis, quæ tamen mentis in mammas actionem aliquatè probant. 3°. Usum mammarum si intuearis, hæc ab infante frequentius proritata, suaviter quidem, nec sine prudentis Naturæ intentione, lacte turgida, mox depleta, tonum tandem amittet, facili hinc humorum stagnatio. Lac parvè præsertim copiâ hærens, induratum, lymphâ item,

skiriosum tumorem producent, quem voluptuosa nimis, sæpiusque repetita attrectatio, inflammatoria à lacte distenso in Cancrum convertent; utrumque ergo in dispositione cancerosa cautè fugiendum. Quid ex cognita probè structurà mammæ, tumor in illà mali inferre valeat, sat perspicuum est; genuinam verò Cancri indolem, peculiarem causam exinde eruerè difficillimum. Solum aliquando facient observata, quæ abstrusa nimis, adhucdum dolemus. Interea cautissimè in Cancro curando procedamus, ejus enim causa, origo, progressus, symptomata multiformi implicentur, sæpè variant, partes structuræ intricatissimæ afficiunt, ejus symptomata leviori de causâ exacerbantur, difficilè mitigantur, difficilius auferuntur, dolores acutissimi, curatus semel, citò & ferociùs repullulat, ægrotantem sèpissimè necat.

I I.

NEC satis est partes Cancro velut proprias subindicasse. Rei momentum exigit ut quæ se prædat facie, quibus larvis aliquando incautum decipiat, num ex genio partis affectæ, peculiarem characterem induat, apprimè noscatur. Ita ut hunc in ortu detegere, eradicari, notis symptomatibus, periculis, obviari ire valeamus, saltem ne quod sæpius accidit, ignoto perversam Therapeiam adhibeamus. Quæ paucissima hîc subjicimus, ex observatis Authorum probè fidei collatis inter se deducuntur, vulgatissimum Cancri processum designant. 1°. In facie orditur sæpe sine tumore, sæpius cum tumore vix manifestò, sèpissimè lato, non ita bene circumscripto, paulatim duritiem inæqualem acquirit, pruriginosè dolet, cutis cui subjacet tumor, rubet, sublevis sit nonnunquam, erysipelatis more, livescit, pulsus operitur, quorum apex saniem fundit, affectum *cuti periosæ* dictum hanc malè dices, tandem ulcus fit, latè serpens, granulatum, punctis nunc albis, nunc verò sanguineis interspersum, acutissimè dolet, periodos suas sat citò absolvit. 2°. Labrum inferius haud rarò differenciat, gingivarum scorbuticâ dispositione ut plurimum comitante. 3°. In interiori narium, gulæ, alveolarum, maxillæ superioris, præsertim ab avulsione dentis molaris, vagina, polypum, fungum mentitur, his accrescit, hæmorrhagias exitiales numerò insert, minis acriter dolet & tempora sua tardius lustrat. 4°. In gingivis hyperstomatosis emulatur, huic adnascitur, diù stat immutatus, dolores urgent, gingivæ scorbutico deturpantur. 5°. In oculis, caruncula, idatidis formam induit, hi affectus in Cancrum facillè abeunt, ex admois v. g. causticis; lentè satis procedit, pertinacissima cephalalgia ægrum vexat, hæmorrhagiæ hanc infrequentes, in tumore sæpè intensum ahsurgit, sub solani esculenti formâ. 6°. In parte pilosa capitis, in articulis, lupium simplicem, primâ fronte dices, hanc remediis potissimum vexatam inscit, lentè crescit, acutissimos dolores cum totius articuli tumore & rigore insert. 7°. In extremis digitis, balano, pene & horum viciniis, verrucam refert, ex illâ originem ducit, ulceratus semel citissimè tempora sua absolvit, acutissimè dolet. 8°. In mammis glandulam nunc triangularem, rotundam, oblongam dices, in eodem statu per plures annos aliquando viger, accedente tandem irritamento quocumque, augeatur, prurit, dolet, vasa vicina, communicantia, nervi huic propensiores, glandule contigue admixta labe infarciuntur, plûs vel minis, citius aut tardius tumorem significant, multiplicem formant, vel simplicem extendunt, crescit interea tumor, elevatur, acutius dolet, integra ad axillam usque manima tumet, quin utraque aliquando intumescit, cum ipso brachio, cujus motus difficiles, dolorem augent; cutis minutiores evadit, rubet, livescit, varicibus circumquaque recurvis obteguntur, quæquidem Cancris omnibus propriæ; in mammis verò frequentiores, Cancris nomen præprimis dedere, occultum in illo statu Cancrum Medici pronuntiant. Sanies acris, fetens, stillat aliquando per hiatus papillæ, cutis tandem finditur, ichorem corrosivum, tezum fundit, fistula ampliatur, oræ recurvantur, fungosè tument, epiderma circumambiens facillimè à cute quandoque sedecit, ulcus granulatum sanguine interspersum, cartilagineam, corneam subrubescentem substantiam granulatam dispersam exhibet, lividum fit, circularem, ut plurimum formam tentat, *de cul de poule*, visu foedissimam, Cancrum adaperit tunc dicunt Syncope, dolores, febres hectica, sudores nocturni, fluxus alvi, hæmorrhagia ut plurimum ægram consumunt. Hæc est abstrusissimæ & tetricissimi morbi imago.

I I I.

HEREDITARIA labes, contagium, cæli temperies, puta aër marinus, suppressæ evacuationes hæmorrhoidum, menstruorum, feminis; temperamentum atrabilarium, melancholicum, inanis ad venerem salacitas, affectus animi vehementiores, victus è cibis acrioribus, potus spirituosus, exercitia validiora, lactis intropulsio, generaliores Cancris causas constituunt: mille tamen observatis constat, Mulieres aliundè optimâ sanitate gredientes Cancro vexari, quo loco exesse obierunt; inde speciale quoddam morbi genus Cancrum constituere videtur. Positâ præsertim aliquâ è causis generalioribus, plurima Cancrum accerscat, sic contusio, usus internus, externus remedium acriorum, repercussorium, coagulantium, frictions, sectio præpostera tumoris nervi & alia bene multa, quæ ex situ, structurâ & nû partium haud difficilè eruantur. Skirrus inflammatus, ulceratus, ad certam molem auctus, Cistimumpens, inflammatus, exulceratus, vicina premdo, dolores, inflammationem producens, ut vulgatissima & proxima Cancris causa habetur, à plurimis Authoribus melioris notæ; quæ si de skirro non exquisito intelligant, æquanimus. Interiora

3
Varo premit Cancer, cum externis injuriis & præsertim aëri non pateant, quid enim damni aër vulneribus inferat, quantum putredinem juvet, vix credere est. Morbis plurimis implicatum Cancrum Medici observaverunt, scorbutus, scrophula illum haud raro comitantur; ossium fragilitas cum siccitate, hujus comes aliquando visa fuit. Sed quid hæc, innumera observata evincunt cum nullo alio vicio circumfultum existere. Num inde eandem esse scorbuti, scrophularum Therapiam, cum Cancro accurrent? Cave credas, ne probes, in Cancro saltem aperto, cujus dolores, cum febre hecticâ, comites erunt, quam insulsa perversam hanc methodum secuta sunt. Id unum certum est, Cancros plurimos, immaniter jamjam sævientes, adhibita causâ, variatâ medelâ curatos fuisse, ita ut inde paucissimos conclamatos esse probatum sit.

I V.

TUMOR adhuc dum schirrosus, omni ope resolvendus, cautius semper probanda sunt remedia, in tumore, cujus situs, figura, sive etiam generalior Cancrorum causa jam præsens, futuri Cancri suspicionem injicient. Itaque venæ-sectione, purgantibus pro re natâ, præmissis, resolutivâ post modum adhibenda sunt, à mitioribus ordiendi, sic mercurius à leviori dosi ad proximam usque salivationem probatus feliciter fuit, ad validiora quandoque progrediendum erit, habita ratione ætatis, temperamenti, &c. Interea colatoria corporis qualibet referenda sunt, humorum fervori occurrendum. Experiëntiâ jamdudum constat, Mulieres plurimas, tumore sæpè jamjam Cancroso affictas, tum integrè sanatas fuisse, tum etiam annosam latissimam, dicam incolumes, protaxisse, usu solo remedium superius assignatorum, diu satis continuato; plurimas autem quæ illorum jam per multos annos efficaciam ita feliciter probaverant, ut omnino sanatas se crederent, illis tandem neglectis sæpè absolutè omisiss, Cancro immaniter sæviente, vel etiam morte, delictum Medicum paverunt. Quid mercurius ferro arte unitus valeat probent Medici. Si quis andax nimium, invitis tot rationum momentis, meticulosos nos dicat, *Hippocratem* adeat quæso & ab illo quotquot in arte Medicâ excellere, *Boërhaavii*, celeberrimi ejus discipuli opera meditentur. Paulum *Æginetam* consulat, qui morbos, credam sæpè leviores, ferro & igne urgebat, Chirurgicam Cancri curationem, aggredi vix suadet. Plurima tamen sectionis usum in Cancro commendant, hanc, felicissimum, cautissimisque simul experiëntiâ suâ probat *Fabricius Hildanus*, incassum tentatis remediis, tumorem aufferendum eûtè pronuntiamus, si præsertim congenitus non sit, si corporis interiora hac labe immunia sint, si totus sive sectione, causticis, igne, aut suppuratione eradicari possit, parti, quam attingere periculum foret, intimius non adhareat, permittantque ægri vires. Sat tunc auteretur, si fat cido. Neque in curando Cancro feruntur, caustica, ignis abique delectu adhibeantur. Si tumor omnis, simulque ferro excindi possit, paucissimis saltem superstitibus, suppuratione postea aut causticis, radicibus aufferendis, toties ferrum sit in usu. Scalpello ad id instruat Chirurgus, illo radices, cum tumore, tutius faciliusque secabit. Infida forceps, plurima importat incommoda. Nec laudo perpetuam brachii lateris ægri in operando elevationem, naturalem fibratum musculi pectoralis situm pervertit; radices Cancri, si quæ sunt, nec observari neque excindi facile hinc possunt. Brachii extorsum diductio, tumorem & cutim sufficienter firmaret; sæpè brachium relaxari conducet. Plurimi inter operandum, cuti parcendum suadent, ignis, causticorum, usum omnem reformidant; vasa tumori vicina, tetro sanguine infarcta, aliquali hæmorrhagiâ referari non sinunt, vulneris oras futurâ, fasciis stringunt, cicatricem quam Citam jactant, pro viribus accelerant; sed non ne stolidum est cicatricis deformitate, leviori hæmorrhagiâ perterriti, Cancri verò redituri, periculum incurrere; nim satius est causticis, igne, radices avetruncare. Alii radices Cancri si citius esse propugnant, quas tamen, funestissima spatium ab Autoribus annotata nimis ceterò probant. Qui cuti parcendum suadent, ex observatoribus desunt, quam sæpè improbâ hæc cautela, Cancer non penitus excisus, in cute attentius relicta, vel ejus viciniis ferocius, ut moris est, repullulaverit. Qui citam cicatricem optant, sciunt illam sæpius callosam, dolentem ita remansisse, usque dum immensus Cancer in ipsâ de novo sæviet. Copiosa satis suppuratio servanda, parciore proritanda, suppressa, finitæ, cucurbitulæ, scarificationes, cauteria vices gerant, quæ in imminente Cancro egregia præstant; ne tamen vicino nimis tumori applicentur, Cancrum sic exercitasse observata probant. Si aliquando copiosior suppuratio fuerit, tum mitiganda venit. Quenammodum Cancer, sic neque radices, eadem ubique methodo curandæ sunt. Quidam insequi periculum foret, illæ nempe quæ ad interiora usque viscera pergunt, quales in pectoris cavum penetrantes observatæ sunt, quod si præscire datum sit, sive sputis, tussi, aut aliis signis, pro viscere affecto, à Cancro extirpatione prorsus abstinendum: sunt quæ ferro, aliæ causticis, aliæ igni facilis parent. Ferro, quæ visus conspicuæ, intra glandulas vicinas insertæ: causticis quæ intra musculi fibras reconduntur, vel intra adipem latius serpunt. Hæ causticis exsecæ, siccata tunc fuerunt, quas cultro abscindere insulso cum exitu, Chirurgi tentaverant. Ipsemet Cancer causticis aliquando tutius quam ferro sanabitur, quoribus nempe ex ossium cavo prodeunt, extra os solummodò secari poterit; ferro tunc si tentetur, irritatas radices difficilius postea curationem admittente & crudelius sævire perpetuum est, causticis verò tumor cum radicibus exulcis, in escharam decidet; quod eò etiam facilius succedet, si, ut haud raro

4
 evenit, extremitas sola tumoris prominens, Cancro afficiatur, tunc intra tumoris medium, vel ejus
 radices, immissa, egregiè proderunt, quod experientià confirmatum est. Cautica toties etiam præ-
 ferenda sunt, quoties multiplices nimis radices, quas cepe radicibus haud absimiles quondam ob-
 servaverunt Medici, difficillimum foret omnes cultro excindere, causticum intra illorum nervos,
 vasa dilatata ingrediens, virûs intra illa contenti, energiam infringet & illas in escharam haud diffi-
 cilè postea avellendam converteret; his sanè ferrum nusquam supplere valeret. Inter caustica, hæc
 elegantur quæ mitiora, quatenus licebit; sedantibus, narcoticis intermixta sint. Vix unquam
 ulceri Cancro latiori applicentur, saltem validiora, hæc enim eosdem quondam dedere effectus
 ac si interius propinata fuissent. Nec deest occasio ignem feliciter probandi, quoties peractâ ope-
 ratione, fungosæ nimium supercreverunt carnes, sic etiam quoties intra ipsam ossis substantiam Can-
 cri radices inserentur, tunc ad moto igne exfoliatis ossis lamellis cum residuo Cancri viru auferres;
 sic etiam cum gangrena aderit aut imminet, quod eò facilius succedet, si in primo operationis
 peractæ instante ignis admoveatur, nisi graviora obitent, tunc enim à doloribus prægressis; sæpè
 à syncope, æger deliquescens, qualibet Chirurgus permittit, cum è contra unctionis apparatus de
 novo vix admitte, quam in posterum supercreverunt carnes, tumor partis operationem sub-
 sequens, suppurantis sensus acutissimus præpediet. Sed exteriora secare, urere plerumque non
 sufficit, serpens interius venenima debellandum est, avertendæ ejus causæ, hæc à superius dictis &
 assignatis causis eruenda sunt.

V.

Si seriùs ad ægrum convocatus, dira nimis symptomata immedicabilem Cancrum attestentur;
 tunc ejus progressus, urgentia pericula, prudens avertes; 1^o. putredinem arcentibus internè,
 externè adhibitis, interiora Cancri mitioribus, ejus verò labra validioribus contegantur necesse est.
 Ægri vires cardiacis levioribus, cibo eupepto erige, doloribus sedantia opponas, hinc opii, Solano-
 rum usus, qui tamen ne diutius protrahatur plurima vetant. Quid plumbum exterius adhibitum va-
 leat probabis, interius quandoque usurpandum esse funderent Medicorum celeberrimorum scripta &
 praxis; sed cum arsenicale quiddam plumbo inhærere plurima evincant; de quibus vide *Junc-
 tum*, num inde plumbi è lytagirio, &c. rediivi & diversè parati, usus internus minas periculosos
 erit, quam plumbi calcinationem aut vitrificationem nundum experti. Si ulcus tumidum, molle fuerit,
 escharotica, vulneraria, leviter stiptica, ægro præsertim phlegmatico cacochymico conducent; hæc
 tamen multò minus proderunt hîc, quam in cæteris ulceribus; Cancræ etenim characterem pertinaci-
 tatis propriæ morbis è systemate lymphatico, aut nerveo oriundis retinet. Mumia *Poterii*, acidu-
 la in fotu, vapore, experientià probantur. Urget sæpè symptoma, cui citò occurrere, omni ope at-
 que operâ allaborandum est. Vasa nempe intra tumorem adhucdum mollem contenta, sinus, alveolos
 quosdam sibi efformare, in quibus actioni remedium exteriorum vix patent, hinc præpedio
 per compressionem sanguinis circuitu dilatata, à sanie acriori corrosa, uberrimum sanguinem fundunt,
 omnemque simul cum vitâ profunderent, nisi linteis carptis, siccis, vel liquore stiptico man-
 didis, absorbentibus, obturantibus, astringentibus, succurrere daretur; stiptica præsertim ne vali-
 diora sint, nisi talia summo ægri periculo indicentur: crocum Martis laudat *Ernestus Stahlianus*. Illis
 remediis si Cancrum felix curare non possis, saltem mitigatis doloribus longævam latius vitam red-
 des. Sint ergo

Cautissimi in Cancro præsertim curando Medicus, Chirurgus.

DOMINI DOCTORES DISPUTATURI.

*M. Claudius Bourcier de la Mon-
 lière.*

M. Petrus Arcelein.

M. Petrus Chevalier.

M. Franciscus Bernard.

*M. Joannes le Thieullier, Chirur-
 gie Gallicæ idiome Professor
 designatus.*

*M. Jacobus Verdelban des Mo-
 les, Scholarum Professor desi-
 gnatus.*

*M. Ludovicus - Petrus le Hoc,
 Alibi Præses.*

M. Antonius-Nicolaus Guenault.

*M. Paulus-Jacobus Malouin, Re-
 gie Scientiarum Academiæ So-
 cius, & Regius Chemicorum
 Librorum Censor.*

Proponebat Parisiis, **CLAUDIUS - FRANCISCUS GRANDCLAS**;
 Pontimussianus, Doctor Medicus Pontimussianus, nec non Saluberriam Facultatis
 Medicinæ Parisiensis Baccalaureus, A. R. S. H. 1750, à sextâ ad meridiem.

Typis QUILLAU, Universitatis & Facultatis Medicinæ Typographi, 1750.